



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Qvod Ivdæi Messiam, Qvi uenit, ceu uenturum, temere  
expectent**

**Samuel <Marochitanus>**

**Argentorati**

**VD16 S 1561**

Capvt X. De primo aduentu Christi.

**urn:nbn:de:hbz:466:1-36159**

V E R I M E S S I A E

Sed gloria eius & maiestas eius erit manifesta in secundo eius aduentu, quando ignis & flāma præcedet eum, et ex ardescet & inflammabit in circuitu inimicos eius. Sicut dicit Deus per os prophetarū Dauid & Isaia. Et timeo, domine mi, quod Christus non iudicabit aliter quam cum igne ad mortem, quia nos interfecimus omnes Prophetas qui annunciauerūt nobis de ipso, prout Deus testificatur contra nos per os Helie propheta quarto libro Regū. Et sic interfecimus illum iustum propter quem sumus in ira dei sine fine. Attamen Dei sumus.

CAPVT X.

De primo aduentu Christi.

**T**imeo, domine mi, Deus describit aperte duos aduentus Christi, per os Esaia propheta. liij. cap. cum dicit. Consurge, consurge, induere fortitudinem brachium domini. Bis dicens consurge, propter eius duplicem aduentum. Et singillatim clare primum Christum describit aduentum quantum ad passionem et deiectionem cap. l. & liij. per totum. Et specialiter cum dicit. Vidimus eum & non erat aspectus & species, neq; decor & c. Primum eius aduentum ponit Esa. ix. cap. cum dicit. Paruulus natus est nobis. Et statim subiungit secundum eius aduentum cum dicit. Et uocabitur fortissimus gigas, potens, super thronum Dauid sedebit, ut confirmet illum ab initio usq; in æternum. Zacharias autem propheta describit eū pauperem & sedētem super asinum cap. ix. Et quid aliud est hoc, nisi, quod Propheta describit primum aduentum in humilitate,



P A R A S T A S I S.

humilitate, & secundū in potētia & maiestate. Sic etiam describit eum Daniel cap. vij. circa mediū ubi dicit. Considerabam uel aspiciebam, in uisione noctis, & ecce in nubibus cœli quasi filius hominis ueniebat, & usq; ad antiquū dierum peruenit, et in conspectu eius obtulerunt eum, & dedit ei potestatem & honorem & regnum, omnes populi tribus ac lingue adorabunt eū, & seruiēt ei. \* Hebræus habet, tribus ac lingue honorabunt eum, & non deficiet potestas eius quia nō auferetur, & regnum eius manebit in eternū. Nostra autē trāslatio habet tribus ac lingue seruiēt ei, potestas eius potestas eterna quæ non aufertur, & regnum eius quod nō corrumpetur. \* aliās, & non deficiet potestas eius, aliās potestas eius in æternum, & regnum eius manebit in æternum, aliās non corrumpetur. Et manifestum est, domine mi, quod in secundo aduentu sedebit Christus ante antiquum dierum, qui est Deus ad iudicium, sicut sedit in primo aduentu ante patres nostros Iudeos ut iudicaretur. Et istos duos aduentus Messie idest Christi, innuit propheta Dauid in Psalmo cum dicit, quia uenit, quoniam uenit iudicare terram. Propter primum eius aduentum qui fuit simplex dicit, quia uenit, propter secundum uero quia crit cum potentia dixit, quoniam uenit iudicare terrā. De secūdo eius aduentu loquitur Zacharia. c. xiiij. cū dicit. Imprimēt uestigia pedes sup mōtē oliuarū &c. Et nos domine nō dicimus q; Deus ī eſſētia sua et natura habet pedes nec carnē, nec ista quæ corporis sunt, sed habere pedes cōuenit omni creaturæ corpore.e. Dicit etiā



V E R I M E S S I Æ

David propheta quod supra allegatū est loquēdo de secundo eius aduentu. Ignis in conspectu eius exardescet, & in circuitu eius inflammabit. Sed domine non dicimus quod Deus sit circūscriptus quod aliquid posset esse in circuitu eius in quantū deus, sed auctoritates similes habent ueritatem ad litterā in illo iusto quē propheta describunt, nunc loquentes de eius humilitate, nunc de eius maiestate, & de hoc loquitur Malachias cap. iij. cum dicit. Ecce dominus uenit, & quis poterit stare ante aduentum eius? Ipse enim quasi ignis conflans & sedebit & liquefaciet argētum et aurum. Ecce qualiter iustus ille qui fuit iudicatus ueniet in secundo aduentu. Et attende domine mi qualiter describit eum ibidem propheta in eodem cap. iij. cum dicit. Tūc ego ueniā & intrabo in iudicio ad eos, & ero testis uerax sup adulteris & malis & periuris, & super illos qui defraudant mercedem mercenarij, & qui spoliant pupillos & uiduas, et opprimunt peregrinum et pauperem. Et idem, domine mi, describit Ezechiel, cum dicit. xxxiiij. cap. ubi loquitur de pastoribus & ouibus, dicens. Ego separabo ab eis. s. à iustis trāsgressores & incredulos, hæc nō habet translatio nostra. sed in arabico dicit sic. O domine mi, ecce quod in secūdo aduētū separabit incredulos de medio iustorum sicut etiam dicunt Malachias & Ezechiel clare. Et in primo aduentu nemo nostrum cognouit eum, quia exiuerat limites humanæ naturæ. Sicut dicit Deus per os Esaiæ propheta cap. liij. & inter iniquos cōputatus est, et propter hoc non reputauimus eum. Et Hierem. dicit. xvij. cap. Ipse



PARASTASIS.

cap. Ipse est homo, & quis scit eum? Et timeo, domine mi, quod patres nostri in primo aduentu Messie defecerunt, & errauerunt, & propter hoc sumus in ista captiuitate quae non habet finem. Et tamē quicquid contingat dei sumus, & in ipso speramus.

CAPVT XI.

De secundo aduētū Christi, quod tunc sit cum potentia iudicaturus.

**D**omine mi, paueo ne iste iustus iudex sit ille qui iudicaturus est cum potentia in aduētū secundo, & qui fuit saluator in aduentu primo omnium qui crediderunt in eum, quoniam propheta Dauid dicit de illo. Notum fecit dominus salutare suum, & in conspectu gentium reuelauit iustitiam suam. Adhuc dicit Esa. cap. xij. Haurietis aquas de piscinis saluatoris, quod dictum, secundum uidere meum, intelligo de baptismo. Nam in primo aduētū saluauit per aquam, & in secundo iudicabit per ignem. Et de isto saluatore dicitur, domine mi, Job. xix. Scio quod saluator meus uiuit, & in nouissimo die de terra surrecturus sum, & in carne mea oculi mei uidebunt Deum meum. Attende, domine mi, quod uocat istum saluatore Deum. Constat autem quod oculi carnis non uidebunt Deum. Ecce habemus secundum scripturas quod saluator est iste Deus iustus, de quo est sermo, & solus potest dici uerus iustus, quoniam nullum peccatum fecit, secundum quod de illo Deus testificatur per os Esae propheta. Qui peccatum non fecit, nec inuentus est dolus in ore eius. Nec de Moysen nec de

B 3 aliquo